



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Ivlivs Papa III.

**urn:nbn:de:hbz:466:1-13589**



Inquisitoribus hereticæ prauitatis in ciuitatibus, in quibus libri huiusmodi existunt, consignasse debeant realiter, & cum effectu. Et nihilominus venerabili fratri Ioanni Petro episcopo Tusculan. Neapolitan. & dilectis filiis nostris Ioanni sancti Clementis, de Burgos, ac Marcello Sanctæ Crucis in Hierusalem, Ceruino, & Francisco sanctæ Anastasiæ titularum Sfondrato, nuncupatis presbyteris Cardinalibus, Inquisitoribus generalibus per sedem Apostolicam deputatis, per Apostolicam scriptura pari motu mandamus, quatenus ipsi, per se, vel alium, seu alios, eosdem requisiti, & monitioni, & mandato nostris prædictis non parentes, quos hæresim ac alias sententias, censuras, & pœnas prædictas propter non paritionem huiusmodi incurrere contigerit, ex nunc prout ex tunc, & contra, hæreticos, ac sententijs, censuris, & pœnis prædictis irretitos tam diu publice nuntient, & faciant ab alijs nuntiari, donec ipsi omnes, & singulos libros Lutheranos, aut alios hæreticos huiusmodi Inquisitoribus præfatis in ciuitatibus in quibus libri huiusmodi, vt præfertur existit, consignauerint, & rehabilitationis gratiam obtinuerint. Contr. dictores per censuram ecclesiasticam appellatione postposita compescendo: Non obstantibus constitutionibus, & ordinationibus Apostolicis contrarijs quibuscunque: aut si aliquibus communiter, vel diuisim, ab eadem sit sede indultum, & expressam, ac de verbo ad verbum de indulto huiusmodi mentionem. Cæterum vt præmissa omnia ad eorum quorum interest notitiam deducantur, nullusque de eis ignorantiam iuste prætere, aut se legitime excusare possit: Volumus, & dicta auctoritate Apostolica decernimus, quod præfentes literæ per aliquos Curie nostre Cursores, in Basilica principis Apostolorum de Vrbe, & Ecclesia Lateranensi, dum inibi multitudo populi ad diuina audienda congregari solet, palam, & clare voce legantur, & lecta in eandem Basilicâ, & Ecclesiâ valuis, necnon in portâ Cancellariæ Apostolicæ, & in Acie campi Floræ assignantur, vbi ad lectionem, & notitiam cunctarum aliquamdiu affixæ pendeant: & cum inde amouebuntur, eorum exempla in eisdem locis remaneant affixa. Quodque per lectionem, affixionem & publicationem huiusmodi omnes, & singula personæ sub præsentibus comprehensæ post sexaginta dies huiusmodi respectiue ita sint obligatæ, & astrictæ, ac si eis coram, & personaliter lectæ, & intimatæ essent: & eorum transumptis manu Notarij publici subscriptis, & sigillo alicuius personæ in dignitate ecclesiastica constitutæ munitis, ea prorsus fides adhibeatur, quæ præsentibus adhiberetur, si forent exhibitæ, vel ostensæ. Volumus autem quod ij, qui libros Lutheranos, seu alios prædictos, infra spatium, & terminum huiusmodi dictis inquisitoribus consignauerint, nisi ipsi alijs quam ex retentione librorum huiusmodi, hæretici seu de fide suspecti fuerint, eo ipso etiam absque aliqua desuper faciendâ ab iurisdictione, à censuris, & pœnis propterea forsan incursum, in vtroque foro absoluti sint, & esse censeantur, prout nos eos in euentum prædictum, ex nunc prout ex tunc (dummodo penitentiam, quam confessor per eos eligendus, eis propterea duxerit iniungendam, omnino adimpleant) absoluiimus. Nulli ergo omnino hominum liceat hanc paginam nostre reuocationis, irritationis, annullationis, inhibitionis, requisitionis, monitionis, mandati, decreti, & voluntatis infringere, vel ei ausu temerario contraire. Si quis autem hoc attetare presumpserit, indignationem omnipotentis Dei, ac beatorum Petri, & Pauli Apostolorum eius, se noverit incursum. Dat. Romæ, apud sanctum Petrum, anno incarnationis Dominicæ, Millesimo quingentesimo quinquagesimo. Tertio Cal. Maij. Pontificatus nostri anno primo.

M. Cardinalis Crescentius.

A. de Martolis.

Anno à Natiuitate Domini, M. D. L. Indictione viij. Die vero Mensis Iunij, Pontificatus Sanctissimi in Christo Patris, & D. N. D. Iulij diuina prouidentia Pape III. Anno eius primo, retrospectæ litteræ reuocationis, inhibitionis, & voluntatis, palam, publice, alta, & intelligibili voce in Basilica Principis Apostolorum de Vrbe, dum ibidem diuina officia de mane celebrabantur, & magna populi multitudo congregata esset, de verbo ad verbum, per me Ioannem Roillad, præfati S. D. N. Pape Cursorem lecta, & deinde affixæ, & publicatæ fuerunt, & sic affixæ, per aliquod spatium dimisi, & successiue, eadē die in Ecclesia S. Iohannis Lateranensis etiam de verbo ad verbum, hora vespertina, per me eundem Ioannem Roillad, lecta, affixæ, & publicatæ fuerunt, & postmodum eadem die affixæ, & publicatæ fuerunt in Valuis, seu portis Cancellariæ Apostolicæ, et in Acie Capi Floræ, dimissis in superscriptis Valuis, & locis, per aliquod temporis spatium affixis, & deinde amotis, copiam earundem litterarum in quibuslibet Valuis, portis, & locis superscriptis affigendo, & dimittendo, per nos Ioannem Roillad, Clericum coniugatum, Viridim diæcesis, & Maturinum Menandi Clericum, Cenomanensis diæcesis, præfati Sanctissimi Domini nostri Pape Cursores.

Ita est Ioannes Roillad, Cursor subscriptus.

Ita est Maturinus Menandi Cursor.

Ita est Petrus Gomes, Magister Cursor.

#### IV LIVS PAPA III.

Contra Hebreos retinētes libros, in quib. aliquid contra fidē catholicā notetur, vel scribatur libri Hebræorum in quibus blasphemia in Dominū aut in Christianā religionē continentur, in eorum Synagogis et priuatis



